



## Yı dūni wā tı yaa wala fo yaa sāana maa so-toak soaba

Yii a ‘Abdullaah [bn ‘Umar nengē, (Wënd yard be b yیبā yīnga), a yeelame: Wënd Tēntuumā, (Wënd puusg la A tıgr be a yīnga) a gāda mam bāokā, n yeele: «Yı dūni wā tı yaa wala fo yaa sāana maa so-toak soaba», la a [bn ‘Umar rag n yume n yetē: f sā n ta zaabr bı f ra koll yibeoog ye, la f sā n yik yibeoog bı f ra koll zaabr ye, la f zaεeg fo laaftı wā wakato bāagā yīnga, la f zaεeg vumā wakat kūumā yīnga».

[Naşun Şahuhun (Gom-sikdem sēn manege)] [A Al-Buħariy n togs-a]

A [bn ‘Umar (Wënd yard be b yیبā yīnga) a togsame tı Nabiyaamā (Wënd puusg la A tıgr be a yīnga) a gāda a bāokā la a yeel-a: yı dūni wā tı yaa wala fo yaa sāana, sēn wa tēngē n ka tar gāag zīg sēn na n reeg-a ye, tēng-n-ned me ka be n yubsd a neng ye, n ka tar zak rāmba, a ka tar koamba, a ka tar kīid-n-taar ye, yeı nins sēn yaa sabab n maand soagl n yi Naandā, pa woto ye, pus n yı kegeng n yud sāana, la yēnda la so-toak soaba sēn puugdē n rat tēnga; bala sāan tōeeme n zīnd tēngē, la woto yōsga ne so-toak soaba, sēn gēesd a ba-yiri, a tōe n maana lom-lom n ka yals ye, la a maan yā-beed ne a ba-yirā taabo. Rēnd wala kēnkēnd sēn ka tar tulsem n yud būmb ning sēn na n taas-a a sorā baasgē wā, yaa woto bal la sıd-kōta a ka tar dūni kaanē tulsem n yud būmb ning sēn na n taas-a sigbē wā. T'a [bn ‘Umar tum ne sagl-kāngā, a rag n yume n yetē: f sā n ta zaabr bı f ra koll yibeoog ye, la f sā n yik yibeoog bı f ra koll zaabr ye, la sōd f menga n lagem yaadē rāmba, n lagem yōorā a ka bakd n be laaftı maa bāag ye; Bı f zaεeg f laaftı wā rasem-rāmbā ne tūudum fo bāagā yīnga, la bao tum sōmā yōodo fo laaftı wā wakato, taor tı bāag ka gidg-f ye, la bao yōod fo vumā dūni wā pugē, n tigim a pugē būmb ning sēn nafd foom f kūumā poorē.

<https://sunnah.global/hadeeth/mos/show/4704>

